

Persónuverndarstefna

Íþróttafélagið Hamar byggir persónuverndarstefnu sína á lögum um persónuvernd og vinnslu persónuupplýsinga nr. 90/2018.

Markmið persónuverndarstefnunnar er að auðvelda iðkendum, stjórnnum, þjálfurum, foreldrum og starfsmönnum innan Hamars að átta sig á hvenær Hamar vinnur með persónuupplýsingar, hvers vegna, hvað verður um þær og réttindum sem þeir eiga.

Hefur Íþróttafélagið Hamar einsett sér að tryggja áreiðanleika og öryggi persónuupplýsinga sem Hamar ber ábyrgð á og meðhöndlar í starfsemi sinni, í samræmi við gildandi lög og reglur um persónuvernd. Hamar ber ábyrgð á vinnslu og meðferð persónuupplýsinga í starfseminni, ýmist sem ábyrgðaraðili eða vinnsluaðili.

Þessari stefnu er ætlað að veita almenna fræðslu um vinnslu persónuupplýsinga sem Hamar hefur með höndum sem ábyrgðaraðili.

Hvað eru persónuverndarupplýsingar?

Persónuupplýsingar eru allar þær upplýsingar sem hægt er að tengja við tiltekinn einstakling.

Hugtakið er túlkað rúmt og ekki er skilyrði að upplýsingar séu merktar nafni eða öðru auðkenni einstaklings til að þær teljist til persónuupplýsinga. Einkum skiptir máli hvort unnt sé að draga ályktun um hver viðkomandi einstaklingur er.

Persónuupplýsingum er skipt í tvo flokka, annars vegar flokk þeirra almennu og hins vegar flokk þeirra viðkvæmu.

Sem dæmi um almennar persónuupplýsingar má nefna nafn, netfang, símanúmer og heimilisfang. Viðkvæmar persónuupplýsingar eru til dæmis upplýsingar um heilsufar, stéttarfélagsaðild, stjórnmalaskoðanir, kynlíf, kynhneigð, trúarbrögð og þjóðernislegan uppruna. Sérstaklega ströng skilyrði gilda um meðferð slíkra upplýsinga.

Meginreglur

Hamar hefur ávallt í huga meginreglur persónuréttar við vinnslu persónulegra upplýsinga.

Það felur í sér að upplýsingarnar verða að vera áreiðanlegar og réttar, lögmætar, sanngjarnar og málefnalegar.

Þær þurfa að vera notaðar í skýrum og málefnalegum tilgangi, unnar að hófsemi og aðeins notaðar þar sem þeim er ætlað að vera notaðar og bara þegar þeim er ætlað að vera notaðar.

Varðveisla verður alltaf að vera tryggð.

Hvers konar upplýsingar er verið að vinna með og hvernig vinnum við með þær

- Starfsmenn/verktakar Hamars
- Iðkendur
- Foreldrar og forráðamenn
- Forsvarsmenn Hamars
- Tengiliðir vegna íþróttaviðburða, birgjar, verktakar, stofnanir,
- Styrkþegar
- Þátttakendur á mótum

Söfnun á upplýsingum getur verið mjög mismunandi. Dæmi um slíkar upplýsingar getur verið


- | | |
|----------------------|----------------------|
| ✓ Nöfn og kennitölur | ✓ Fjölskylduaðstæður |
| ✓ Ferilskrár | ✓ Myndir |
| ✓ Bankareikningar | ✓ Styrkir |
| ✓ Kyn | ✓ Upptökur |
| ✓ Veikindi | ✓ IP tölur |

Tilgangurinn með vinnslu á persónuupplýsingum

Söfnun persónuupplýsinga er alltaf í þágu Hamars og starfsemi félagsins þar sem tilgangurinn er að efla, samræma og skipuleggja íþróttastarfsemina ásamt því að þjónusta, uppfylla skyldur sínar sem íþróttafélag og gegna því hlutverki að vera ábyrgðaraðili á málum sem tengjast íþróttahreyfingunni.

Varðveisla

Hluti upplýsingana eru geymdar tímabundið þar sem þær tengjast iðkendum og þjálfurum og stjórnnum. Hluti upplýsingana eru geymdar ótímabundið þar sem þær hafa sögulegt gildi.



Þar að auki er Hamar afhendingarskyldur á grundvelli laga um opinber skjalasöfn og er þar af leiðandi óheimilt að farga eða ónýta nokkru skjali sem fellur undir gildissvið lagana.

Miðlun upplýsinga

Sum gögn eru deild áfram til þriðja aðila. Það geta verið gögn eins og gögn vegna upplýsingatækni eða til öryggisfyrirtækis sem hefur aðgang að persónuupplýsingum sem Hamar ber ábyrgð á í tengslum við veitingu þjónustu eða til að ljúka við verkefni.

Hamar tryggir við vinnu slíkrar þjónustu sé aðeins veittur aðgangur að þeim upplýsingum sem eru nauðsynlegar vegna vinnslu verkefnisins og að um ábyrgða vinnsluaðila sé að ræða sem tryggja öryggi upplýsinganna og virða reglur persónuverndar.

Myndir og annað efni sem birt er á samfélagsmiðlum einstaklinga sem tengjast Hamri eru opinberar upplýsingar. Með því að tengjast Hamri á samfélagsmiðlum lítum við svo á að það sé gefið leyfi til að deila upplýsingum sem birtast á þeim vettvangi með veitanda samfélagsmiðlaþjónustunnar. Notkun þeirra upplýsinga tekur mið af persónuverndarstefnu samfélagsmiðilsins sem um ræðir og eru einstaklingar hvattir til að kynna sér það.

Hin almenna regla er þannig að vinnsla á persónuupplýsingum er heimil ef hinn skráði hefur almennt gefið samþykki sitt fyrir persónuupplýsingum í þágu eins eða fleiri markmiða. Að vinnslan sé nauðsynleg til að efna samning sem hinn skráði er aðili að eða til að gera ráðstafanir að beiðni hins skráða áður en samningur er gerður. Að vinnslan sé nauðsynleg til að uppfylla lagaskyldu, vernda brýna hagsmuni í þágu hins skráða eða annarra, að vinnslan sé nauðsynlegra vegna lögmætra hagsmuna.

Réttindi skráðra

Þeir sem eru skráðir hjá Hamri eiga rétt á að vita hvaða persónuupplýsingar Hamar vinnur um þá og geta allir beint fyrirspurn á Hamarsport@hamarsport.is

Í ákveðnum tilfellum er hægt að óska eftir aðgangi og afriti af persónuupplýsingum, að upplýsingar séu leiðréttar og eða að þeim sé eytt. Hægt er að mótmæla vinnslu persónuupplýsinga og takmarka, draga til baka samþykki fyrir vinnslu. Hamar mun alltaf verða fyrir beiðnum í gegnum framangreint netfang.



Sportabler

Hamar heldur utan um alla félagsmenn sína í gegnum abler. Það er tölvukerfi sem einkum er ætlað þjálfurum, foreldrum, iðkendum, starfsmönnum og almennum félagsmönnum. Þar koma fram helstu persónuupplýsingar um alla og er markmiðið með að halda utan félagaskrá, stundatöflur, mætingaskrá, fjölda iðkenda, tengiliðaupplýsingar, greiðslur, mót og samskipti. Söfnun persónuupplýsinga er nauðsynlegur þáttur í sportabler. Sportabler heldur vel utan um öryggi persónuupplýsinga og kappkostað við að viðhalda skynsamlegum og viðskiptalegum öryggisreglum og starfsháttum í samræmi við eðli upplýsingana til að verja þær fyrir óheimilum aðgangi, eyðingu, notkun, breytingum eða birtingu.

Í almennum skilmálum er eftirfarandi sett fram: <https://www.abler.io/home/is/terms/>

Fyrirspurnir eða kvartanir

Öllum fyrirspurnum skal beina í gegnum netfangið Hamarsport@hamarsport.is

Ef aðili er ósáttur við vinnslu Hamars þá er hægt að kvarta til persónuverndar.

Breytingar á persónuverndarstefnunni

Stefnan er endurskoðum á hverju ári og getur því tekið reglulega breytingum eftir því sem við á.

Breytingar á stefnunni öðlast gildi við birtingu á heimasíðu Hamars Hamarsport.is

Samþykkt af framkvæmdastjóra 09.04.2024